

謝林 徐太平 楊居讓 主編

陝西省圖書館藏 稀見方志叢刊

北京圖書館出版社

陝西省圖志叢刊

謝林 徐大平 楊居讓 主編

北京圖書館出版社


稀見方志叢刊




12

第十二冊目錄

〔康熙〕中部縣志四卷·····	一
〔道光〕增修懷遠（橫山）縣志四卷·····	二〇七
府谷縣鄉土志四卷·····	六三九





中部縣志目錄

輿地

仙釋

疆域

風俗

山川

物產

城池

陵墓

衙署

寺觀

祠祀

祥異

貢賦

藝文

屯田

壽考

水利

鹽法

兵防

郵傳

職官

名宦

學校

選舉

人物

孝義

列女

隱逸

流寓

中部縣志序

王者治定功成而禮樂作文章興焉所以昭一代之典型明百王之大法哉

朝誕膺天命薄海內外罔不臣服垂五十年矣文教覃敷武功赫濯其制作之明脩直越三代而繼唐虞乃

命大臣纂修國史爰及郡縣分編志書上以顯承

烈祖下以博承風謚大小臣工咸祇承惟謹惟是延安邊郡也
可中部在延屬尤稱最爾土瘠民貧所從來矣余承乏郡守
得李令任中部且七年多輔余所不逮民賦樂輸案無留牘
乃延者宿編修縣志手自裁定凡六卷余披覽終篇閱山川
疆域而知地狹土磽商賈弗通食貨維艱也閱貢賦版藉而

知兵荒荐仍戶口消耗差役繁重也閱兵防而知阻險扼塞
閱水利而知沙崩岸陡閱鹽法驛政而知商病遠販官苦課
程驛費裁而馬多折損夫價減而役無完膚也瞻覽名勝窮橋山
軒轅帝陵在焉風氣攸萃忠臣孝子義士節婦汗漫青史且文
人墨客題覽題咏達七多鴻章麗詞及鄉塾祭酒縉紳先達
亦復秉正守禮彬彬乎文獻之邦也余方欲于觀風問俗之
餘進多士父老進膝咨詢竭一得之愚用副

各憲仰

加意察處之王意借以察訪民隱興除利弊得茲編也清
口以除包贍惠益商以汰新增荒山峻嶺穴處巢居之民

聖主而言情也異日進

屏覽不且大有利賴中書故文既大雅事亦該博述古酌今
教達情可以副

上旨脩史乘有裨一代之典創製是爲序

中憲大夫知陝西延安府正堂加三級蘭陵張偉齊庵氏題

中部縣志序

一代之興必有一代之紀載漢高入關蕭何收圖籍因知四方疆域盈虛之實丙吉使東曹考案邊郡兵食之有無故能指揮形勝不出戶庭陳若指掌者圖籍之功也蓋居今而知昔援古以証今利弊興革數十百年之事非書不辨我皇上即位以來戡亂定治興禮樂敷教化巍七蕩七登三邁五衛與隆已乃

詔修一統志并及郡縣志蓋將采風問俗緝成一代之

大典也余承乏中部令七年矣諸務就理上下和樂乃延鄉先生纂修邑志以副

上旨且以博觀古昔人物之偉傑孝子忠臣義士節婦之振綱

植紀砥礪迴流以及山川形勝之大建置因革之變余固不敢以鄙陋無文自謝于鄉先生鄉先生亦不以余之不敏時勤事于傳檄廣咨自康熙癸酉迄乙亥越三年而書始就頭孰請典故彙識舊事實串錯綜則埤篇先生實成一家之言焉崇揚善類嘉尚節廉一善必錄微美亦顯事有關于氣節者不啻三致意矣夫中部小邑也在唐宋則三輔大州節度刺史之所臨在崔郭政績楊劉清德史傳所載百世猶新也乃參以二十一史準以雍大記徵以雍書咨以父老先民其間載事旣該褒貶亦正旣以續舊志于兵火焚劫代易事殊之後而余亦借是以事神治民崇德尚賢知賦役之增減明風俗之變易也惟是發揚潛德表正風化請臧戶口深維鹽

法余蓋竊有志焉而恨天遠也恭逢

聖天子西轡方殷大臣百執事體察民瘼親斯編也中部利鑿
灼然若目見而身歷之矣庶或有造于茲邑云爾謹序
文林郎知中部縣事白下李暄蒼山書



中部縣志序

夫以天下名區獨讓西秦第一關中要地惟推延郡無雙鼎峙列三州不及坊州之秀麗疆分十六邑無如部邑之風華一望橋山岡巒聳翠叠惟石蔭蒼松峭逼雲霄彷彿乎華恒嵩秦載瞻沮水波浪冲融泛鳬鷗叢荇藻瀾日映瀆海淮湘磊落孤城抱碧流而環遠魏縣宇迎瑤島以隆從傍晚霧蒙七縹緲龍灣澤畔當春烟漠七纏綿鳳嶺峯頭南谷黃花開放金錢鋪滿地北橋爭雪推殘玉屑遠歸天水來揚子江心湧作飛泉滾七月掛皇陵山半照臨瞻影輝七光爲世之奇觀真是人間之妙景勝槩動軒轅駕御輦而遨遊翟道仙聲聞漢武募金莖而祈築雲臺攀龍髯以昇騰直上清虛

之府向長空而拜禱仰希闡苑之丹迄今鶴馭已狝只見青
霞籠玉塚憶昔羽翁難邁徒留古蹟在岑林是以川嶽鍾靈
皇風毓秀土從太古迤及熙清歷代人文蔚起屢朝科第雲
初卽小吏農夫間有純良足錄鄉媛野婦無非節烈堪垂縣
誌昭然班史可考惜遇頻經兵火煨作灰塵幸逢邑宰李公
廉明清慎善莪械樸不殊西伯之作人蔽芾甘棠可比召公
之雅化百爲盡善庶績咸康政事之餘慨然興感嘆記書之
缺畧嗟方冊之遺忘爰捐俸以資工乃脩文而刊板詳明圖
域表著懿行誠百代之鼎銘千秋之青史也余才慚作賦心
慕章程聊寫里言附之卷末宣揚盛事云爾

賜進士第原任諸暨縣知縣邑人牛光斗撰